


Headline	Road Trip SinarPlus meriah Ketengahkan isu wanita & kesihatan di IPT		
MediaTitle	Sinar Harian	Language	Malay
Date	10 Mar 2024	Readership	420,000
Circulation	140,000	Page No	24,25
Section	Supplement	Journalist	NILAM NUR ATIKAH
ArticleSize	1633 cm ²		
PR Value	RM 103,860		



Road Trip SinarPlus meriah Ketengahkan isu wanita & kesihatan di IPT



Oleh NILAM NUR ATIKAH OSHMAN

SAMBUTAN Ulang Tahun SinarPlus kali ke-4 diraikan dalam suasana meriah dan havoc di Universiti Tenaga Nasional (UNITEN), pada 1 Mac lalu.

Acara yang bermula seawal 10 pagi itu turut dimeriahkan dengan kehadiran lebih kurang 100 pelajar daripada pelbagai kursus.

Turut hadir dalam majlis itu ialah Editor Eksekutif Gaya Hidup & Hiburan, Meen Tahrin yang berkongsi aktiviti dan program SinarPlus Road Trip yang bakal berlangsung di beberapa tempat terpilih dan UNITEN menjadi destinasi pertama persinggahan.

Borak bibir merah

Sempena hari istimewa itu, SinarPlus turut menganjurkan program 'Borak Bibir Merah'.

Mengetengahkan isu Cinta Bersyarat: Demi Mewah Gadai Maruah, program yang dikendalikan oleh pengacara



Panel jemputan dan pelajar

Dalam kesempatan tersebut, penulis sempat menemu bual selebriti dan ahli perniagaan selaku panel jemputan pada program berkenaan iaitu Mila Jirin.

Mengulas mengenai topik 'sisi gelap kehidupan pelajar', beliau menitipkan pesanan kepada golongan muda terutama mahasiswa supaya berfikir implikasi yang bakal dilalui kelak.

"Tarik 'handbrake' dan berhenti, fikir sedalam-dalamnya apakah impak kepada diri sendiri, keluarga dan generasi akan datang.

"Bayangkan jika ibu bapa kita tahu kisah ini dan bagaimana pula pandangan masyarakat.

"Belum terlambat lagi untuk 'u-turn' semula. Insya-ALLAH yakin rezeki ALLAH ada untuk kita tepat pada masanya," ujar beliau.

Tambah penyanyi berusia 35 tahun itu lagi, setiap ujian dan dugaan mempunyai hikmah dan kemolisannya, maka jangan berputus asa dan membuat pilihan salah yang akhirnya membawa penyesalan.



Headline	Road Trip SinarPlus meriah Ketengahan isu wanita & kesihatan di IPT		
MediaTitle	Sinar Harian	Language	Malay
Date	10 Mar 2024	Readership	420,000
Circulation	140,000	Page No	24,25
Section	Supplement	Journalist	NILAM NUR ATIKAH
ArticleSize	1633 cm ²		
PR Value	RM 103,860		



Anim Ezati (kiri), Mila (tengah) dan Muhammad Aqil Mirza dalam program Borak Bibir Merah yang membincangkan tajuk Cinta Bersyarat: Demi Mewah Gadai Maruah.



"Jika anda menghadapi waktu sukar, terima dengan hati reda setiap dugaan yang ALLAH berikan. Kita takkan tahu mungkin 'kesusahan' itu adalah sebagai ilmu oleh YANG MAHA ESA untuk dijadikan panduan apabila sedang menghadapi cabaran pada masa akan datang."

"Insya-ALLAH, percaya dengan rezeki yang DIA berikan. Usah libatkan diri kita dengan *circle* yang boleh membawa ke lembah kehancuran sebaliknya cari yang boleh membawa kepada kebahagiaan," ujarnya.

Sementara itu, pelajar Ijazah Sarjana Muda Kejuruteraan Awam, Muhammad Amir Aqqim Mohd Nizam, 22, berkata, topik program yang dianjurkan tersebut amat menarik dan membuka minda anak-anak muda.

"Jika kita biarkan perkara ini, orang tidak akan sedar kesan buruk kepada

masyarakat dan negara.

"Jadi, pandangan dan perspektif daripada orang dewasa dan mahasiswa memang kita perlukan supaya setiap individu yang hadir hari ini dapat memahami perkara yang berlaku," katanya.

Seorang lagi pelajar, Nur Darleena Mohd Fauzee, 22, berpendapat program seperti ini memberi pendedahan dan informasi kepada pelajar tentang pancaroba dunia luar.

"Memang amat digalakkan program sebegini diadakan dengan lebih kerap di setiap universiti."

"Ini kerana topik amat sesuai dan dekat dengan kehidupan pelajar. Ia bukan sekadar memberi pendedahan malah kesedaran kepada kita agar tidak terjerat dengan perkara tidak bermoral," katanya yang kini sedang mengambil jurusan ijazah Sarjana Muda Ekonomi Tenaga.



Beberapa pelajar turut mengemukakan persoalan kepada panel.